

fomentar o crecemento desta actividade económica constitúe un factor de desenvolvemento tanto social como económico.

Esta actuación enmárcase dentro das directrices desenvolvidas pola Consellería do Mar de creación de espazos no litoral galego para actividades acuícolas que regulen o crecemento da acuicultura mariña na terra, polo que dispón do apoio da Xunta de Galicia, tal e como deriva da aprobación da incidencia supramunicipal do Plan Sectorial da Acuicultura e da do propio proxecto sectorial.

O desenvolvemento do proxecto, cultivo sustentable de novas especies, favorece a diversificación do sector da acuicultura, polo que, fomentar o crecemento desta actividade económica constitúe un factor de desenvolvemento tanto social como económico e contribúe ao reforzo do proceso produtivo do sector da pesca galega.

Un proxecto destas características achegará ao seu contorno prosperidade, contribuíndo a potenciar o dinamismo e o crecemento da economía local, co conseguinte aumento de postos de traballo directos e indirectos.

Este proxecto desenvólvese incorporado ao Plan Galego de Acuicultura, adáptase aos seus criterios e obxectivos, impulsando así o sector da acuicultura e, por conseguinte, unha actividade económica que constitúe un factor de desenvolvemento tanto social como económico. De feito, trátase do primeiro proxecto acuícola de nova creación desenvolvido e aprobado nos últimos 5 anos.

O Concello de Muros manifestou de forma pública e directa o seu interese por un proxecto destas características, declarándoo de interese estratéxico social.

A non execución do procedemento expropiatorio pola vía de urxencia, que garanta a ocupación dos predios como máximo no mes de marzo, comportaría inexorablemente a paralización inmediata e por tempo indefinido das obras de execución do proxecto, xa que para o seu avance e finalización se require da ocupación parcial dalgúns predios obxecto de expropiación.

Esta paralización provocaría o incumprimento do plan de etapas previsto para a execución do proxecto, provocando un grave detrimento económico e financeiro que faría perigar incluso a materialización total do proxecto ao non se executar con tempo suficiente para garantir a dispoñibilidade dos fondos europeos da pesca, principal instrumento financeiro do proxecto.

Por todo isto, considérase necesario declarar a urxente ocupación dos bens e dereitos que se precisan ocupar para a actuación derivada do proxecto sectorial de incidencia supramunicipal denominado granxa mariña e criadeiro de abalón en Muros (A Coruña), promovido por *Galician Marine Aquaculture, S.L.*

A competencia para efectuar a declaración de urxente ocupación tena atribuída o Consello da Xunta de Galicia, considerando xustificada esta declaración polos motivos anteriormente sinalados.

En virtude de todo o exposto, e en aplicación do artigo 28º.2 do Estatuto de autonomía de Galicia e do artigo 52º da Lei de expropiación forzosa, así como do artigo 56º, parágrafo 1 do seu regulamento, por proposta da Consellería do Mar e logo de deliberación do Consello da Xunta de Galicia na súa reunión do día vinte de xaneiro de dous mil once,

DISPOÑO:

Artigo único.-Declarar a urxente ocupación dos bens e dereitos necesarios e que se concretan no expediente administrativo instruído, para os efectos da expropiación, en beneficio de *Galician Marine Aquaculture, S.L.*, na actuación derivada do proxecto sectorial de incidencia supramunicipal denominado granxa mariña e criadeiro de abalón en Muros (A Coruña), promovido por *Galician Marine Aquaculture, S.L.*

Santiago de Compostela, vinte de xaneiro de dous mil once.

Alberto Núñez Feijóo
Presidente

Rosa Mª Quintana Carballo
Conselleira do Mar

SERVIZO GALEGO DE SAÚDE

Resolución do 11 de xaneiro de 2011, conxunta da Dirección de Recursos Humanos do Servizo Galego de Saúde e da Escola Galega de Administración Sanitaria, pola que se convocan cursos de formación continua para o persoal do Servizo Galego de Saúde.

Os coñecementos e capacidades dos profesionais das institucións sanitarias do Servizo Galego de Saúde determinan, en gran medida, a calidade dos servizos sanitarios dispensados aos usuarios. Neste sentido, a formación continua amósase como unha das ferramentas máis axeitadas para mellorar e decuar, pola vía da capacitación dos profesionais, os servizos sanitarios ás demandas dos usuarios.

Para tal fin, xa en anos anteriores foron aprobados e executados, no marco dos acordos de formación continua, os plans de formación continua do persoal de institucións sanitarias dependentes do Servizo Galego de Saúde.

Os citados plans tiveron un alto grao de participación e aceptación por parte dos profesionais receptores, abranguendo a totalidade das profesións que se desenvolven no organismo.

Xa que logo, cómpre continuar con este plan na liña de actuación seguida, no intento de completar os aspectos formativos máis relevantes xa impartidos en anos anteriores e iniciar o tratamento en materias novas de notoria e notable relevancia no marco da asistencia sanitaria.

Tras a creación, por acordo do Consello da Xunta de Galicia do día 19 de decembro de 1997, da Escola Galega de Administración Sanitaria (Fegas), que ten como finalidade primordial a formación continua e o perfeccionamento técnico de todo o persoal do Servizo Galego de Saúde, asinouse entre este organismo e a Fegas un convenio de colaboración a través do cal a organización, xestión e execución de toda a actividade docente incluída nos plans de formación continua corresponde á Fegas, reservando para si a Dirección de Recursos Humanos do Servizo Galego de Saúde a negociación coas organizacións sindicais do contido do plan, así como a negociación e aprobación dos criterios de selección dos participantes nos distintos cursos de formación.

Para este ano prorrogouse o devandito convenio, polo que a Fegas organizará, xestionará e executará todas as actividades docentes do plan para o ano 2011.

Este plan foi impulsado no seu deseño e elaboración pola Dirección de Recursos Humanos e a Subdirección Xeral de Investigación, Docencia e Innovación do Servizo Galego de Saúde a través do Consello de Formación Continua, composto por representantes do Servizo Galego de Saúde, da Fegas e das organizacións sindicais CIG, CC.OO., UGT e CSI-CSIF, asinantes do acordo de formación continua.

Así, tras unha primeira proposta de actividades formativas elaborada pola Subdirección Xeral de Investigación, Docencia e Innovación, que foi ratificada polo consello, e escoitadas as comisións de formación de cada centro, someteuse o conxunto do plan á consideración do Consello de Formación Continua do Servizo Galego de Saúde, quen emitiu, por unanimidade, informe favorable, para a súa remisión e posterior aprobación polo Ministerio da Presidencia.

Por todo isto e coa finalidade de dar á formación a continuidade axeitada que a faga realmente efectiva, a Dirección de Recursos Humanos do Servizo Galego de Saúde, logo do informe das centrais sindicais CIG, CC.OO., UGT e CSI-CSIF, xunto coa Fegas, resolve facer pública a convocatoria para participar nos cursos que conforman o Plan de formación continua do persoal do Servizo Galego de Saúde para o ano 2011, elaborado no marco do Acordo Nacional de Formación Continua das administracións públicas, que deberá resolverse consonte as seguintes bases:

Primeira.-*Requisitos de participación.*

Poderán participar nas accións formativas do Plan AFCAP todas/os as/os profesionais que presten ou

presten servizos nas institucións do Servizo Galego de Saúde, as/os aspirantes a vinculacións temporais no ámbito das institucións do Servizo Galego de Saúde, ao abeiro do Pacto de selección temporal vixente en cada momento, así como o persoal pertencente ás fundacións públicas sanitarias ou empresas públicas adscritas á Consellería de Sanidade integrado no réxime estatutario.

As persoas interesadas en participar nas actividades formativas deberán cumprir os requisitos exigidos para cada curso.

Non poderán participar nas actividades formativas as persoas solicitantes incluídas na listaxe de persoal seleccionado que, ao inicio do curso, se atopen en situación de baixa laboral por incapacidade temporal. Esta incidencia comunicarálla, por escrito, a persoa afectada á Fegas, para os efectos de cubrir a vacante e evitar a penalización que comportaría a súa falta de comunicación, prevista na cláusula sexta.

O persoal que se atope desfrutando dun permiso por parto, adopción ou acollemento tanto preadoptivo como permanente ou simple, adopción internacional ou excedencia para o coidado de fillos e familiares poderá participar nas actividades formativas, consonte establecen os artigos 57º.4 e 76º do Decreto legislativo 1/2008, do 13 de marzo, polo que se aproba o texto refundido da Lei da función pública de Galicia, e a disposición adicional décimo novena, punto trece da Lei orgánica 3/2007, para a igualdade efectiva de mulleres e homes.

Segunda.-*Solicitudes.*

As persoas que desexen participar nos cursos convocados nesta resolución deberán encher o formulario de preinscripción telemática na páxina web da Fegas (www.fegas.es).

A falsidade ou ocultación de datos esenciais para a selección das persoas aspirantes dará lugar á exclusión automática do curso solicitado, así como á imposibilidade de participar en ningún outro curso nos doce meses seguintes. A Fegas reserva para si o dereito a solicitar a información necesaria para verificar tales datos.

Serán excluídas automaticamente aquelas solicitudes que non teñan consignados correctamente os datos necesarios para realizar o proceso selectivo das persoas solicitantes.

Aínda así, durante o prazo de inscrición, en caso de erro ao cubrir a solicitude, poderá anularse esta utilizando o procedemento establecido na base sexta desta convocatoria e realizar, de ser o caso, unha nova petición (sen superar o máximo das seis inscricións anuais permitidas).

Ante eventuais incidencias, as/os aspirantes deberán imprimir unha copia do formulario de preinscripción enviado telematicamente ou conservar o que recibisen no seu correo electrónico, para o que deberán prestar especial atención na consignación

de datos, comprobando que o enderezo de correo electrónico estea correctamente consignado.

Os profesionais incluídos no artigo 45º da Lei 7/2004, do 16 de xullo, galega para a igualdade de mulleres e homes, e na disposición adicional 19ª da Lei orgánica 3/2007, do 22 de marzo, para a igualdade efectiva de mulleres e homes, ademais das persoas discapacitadas cun grao de discapacidade igual ou superior ao 33%, que desexen que se lles teña en conta, para os efectos do disposto na base cuarta, deberán remitir, no prazo establecido para o envío da solicitude de preinscrición, a certificación orixinal ou fotocopia legalizada acreditativa da súa situación ao seguinte enderezo:

Escola Galega de Administración Sanitaria (Fegas). Avenida Fernando de Casas Novoa. Edificio CNL, nº 37, portal A, 1ª planta. 15707 Santiago de Compostela (A Coruña).

A consignación dos datos da solicitude e o seu envío telemático non implicará a admisión inmediata á actividade formativa seleccionada, que se producirá nos termos indicados na cláusula quinta.

Só se poderá solicitar a participación nun máximo de seis cursos por ano.

Terceira.-*Prazos de inscrición.*

Para as edicións das accións formativas do primeiro semestre, o prazo comezará o día 1 de febreiro de 2011 e rematará o día 20 de febreiro de 2011.

Para as edicións das accións formativas do segundo semestre, o prazo comezará o día 1 de xuño de 2011 e rematará o día 20 de xuño de 2011.

Cuarta.-*Criterios de selección de alumnos.*

Os criterios de selección para participar nas accións formativas convocadas ao abeiro do Plan de Formación Continua para o persoal do Servizo Galego de Saúde serán os que a seguir se detallan, tendo en conta que, en todo caso, se reservará en cada actividade formativa unha cota do 5% para ser cuberta por persoas discapacitadas cun grao de discapacidade igual ou superior ao 33%, sempre que poidan acreditarlo e cumpran os requisitos establecidos na convocatoria para cada actividade:

1. Resultar, a persoa solicitante, destinataria da concreta acción formativa, de conformidade co establecido no anexo para cada curso.

2. Unha vez aplicado o criterio anterior, de existiren máis solicitudes que prazas, terán prioridade as/os aspirantes que realicen tarefas máis directamente relacionadas co contido básico e obxectivos do curso. Con esta finalidade, na solicitude deberán detallarse as tarefas que sexan máis representativas do posto de traballo e que garden relación específica cos contidos da actividade, non valorándose as funcións que non fosen indicadas.

3. Menor número de cursos realizados nos dous anos anteriores.

4. Terán prioridade os profesionais con vínculo fixo sobre os temporais.

5. Terán prioridade os empregados públicos que acrediten maior tempo de servizos prestados. Este dato facilitaráselle directamente á Fegas das bases de datos de persoal. A persoa solicitante deberá achegar, unicamente, nos prazos establecidos para o envío das solicitudes de preinscrición, certificación orixinal ou copia compulsada dos servizos prestados fóra do Sistema Público de Saúde de Galicia, que deberá ser remitida ao enderezo da Fegas.

6. En cada un dos tres puntos anteriores, terán preferencia na selección as/os aspirantes que nos últimos dous anos estean utilizando ou utilizasen unha licenza de maternidade, un permiso de paternidade, unha redución de xornada ou unha excedencia para coidado de familiares, de acordo co previsto no artigo 45º da Lei 7/2004, do 16 de xullo, para a igualdade efectiva de mulleres e homes.

Así mesmo, terán preferencia para participaren nos cursos de formación as/os aspirantes que, durante o ano anterior á data de publicación desta convocatoria, se incorporasen ao servizo activo procedentes do permiso de maternidade ou paternidade, ou reingresasen desde a situación de excedencia por razóns de garda legal e atención a persoas maiores dependentes ou persoas con discapacidade, de acordo co previsto no artigo 60º.1 da Lei orgánica 3/2007, do 22 de marzo, para a igualdade efectiva de mulleres e homes.

Ademais, e de conformidade co disposto no artigo 37º bis da Lei 7/2004, do 16 de xullo, galega para a igualdade de mulleres e homes, engadido pola Lei 2/2007, do 28 de marzo, do traballo en igualdade das mulleres de Galicia, na súa disposición adicional 1ª, nos cursos, xornadas ou outras actividades formativas organizadas ou financiadas pola Administración pública galega reservarase un cincuenta por cento das prazas a mulleres que reúnan os requisitos exixidos na convocatoria, que accederán á quenda reservada só se non houber suficientes solicitudes de participación de mulleres.

7. Por último, no caso de empate, resolverase por sorteo.

8. A Fegas poderá ofrecerle ás/aos admitidas/os nunha actividade formativa anulada a súa incorporación voluntaria noutra edición desa mesma actividade, sempre que nesta última haxa vacantes. Neste suposto, o chamamento ás/aos admitidas/os será pola orde de admisión da actividade anulada.

Quinta.-*Publicación das listaxes de admitidos.*

Expirado o prazo de presentación de solicitudes, publicarase na páxina web da Fegas a listaxe provisional de admitidas/os e excluídas/os na concreta acción formativa, así como as causas da súa exclusión.

Ademais, enviarase un SMS a modo de recordatorio ás/aos admitidas/os en cada acción formativa, sempre que se dispoña na base de datos da Fegas dun número de teléfono móbil. Estas mensaxes son meramente informativas e non eximen as/aos aspirantes de consultar a páxina web da Fegas.

As/os aspirantes excluídas/os disporán dun prazo de dez días hábiles, contados a partir do seguinte ao da publicación da listaxe provisional, para poder emendar, de ser o caso, o defecto ou defectos que motivasen a exclusión e formular as reclamacións que coiden pertinentes.

Rematado o prazo e resoltas pola Fegas, logo de informe da comisión paritaria respectiva, de ser o caso, as reclamacións presentadas, publicarase na páxina web da Fegas, cunha antelación mínima de cinco días naturais ao inicio do curso, a listaxe definitiva de admitidas/os e excluídas/os.

Serán excluídas/os da participación nunha concreta actividade formativa todas aquelas persoas que tivesen participado en edicións anteriores da mesma actividade, convocadas nos últimos cinco anos.

En ningún caso se admitirá a asistencia de persoas na condición de «oíntes».

Sexta.-Anulación de reserva.

Se a/o aspirante seleccionada/o para a realización dunha actividade formativa decide non asistir a ela, deberá comunicar a súa renuncia a través da páxina web da Fegas cunha anticipación mínima de catro días naturais á data fixada para o inicio da citada actividade.

De non facelo así, e agás motivo xustificado, baseado en causa de forza maior ou acontecemento imprevisible, non será admitido en ningunha outra actividade formativa no transcurso dos doce meses seguintes.

Sétima.-Cotas de inscrición.

No caso de actividades para as cales se exixa o aboamento dunha cantidade en concepto de cota de inscrición, informarase debidamente sobre a forma e prazo para realizar o pagamento da correspondente matrícula.

Oitava.-Certificación de asistencia

Durante o desenvolvemento da acción formativa, as persoas participantes deberán asinar nos oportunos controis de entrada e saída que se establezan.

Logo da finalización da acción formativa, a Fegas expedirá o certificado de asistencia. Non se facilitará esta certificación a aqueles participantes dos cales se constate unha falta de asistencia á actividade formativa nunha porcentaxe superior ao 10% das horas lectivas.

Ademais, no suposto de que os cursos exixan a realización dalgunha proba ou traballo, expedirásese

lles o certificado unicamente ás/aos alumnas/os que a superen.

Só se atenderán reclamacións para a emisión do certificado ata doce meses despois de finalizado o curso.

Santiago de Compostela, 11 de xaneiro de 2011.

Esperanza Fernández Lago	Pablo Galego Feal
Directora de Recursos Humanos do Servizo Galego de Saúde	Director da Escola Galega de Administración Sanitaria

P.A. (30-11-2010)
Rocío Mosquera Álvarez
Xerente do Servizo Galego de Saúde

IV. OPOSICIÓNS E CONCURSOS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 14 de xaneiro de 2011, da Dirección Xeral de Xustiza, pola que se convocan a concurso específico de méritos as prazas vacantes de xefes de servizo e de sección no Instituto de Medicina Legal de Galicia (Imelga).

O Decreto da Xunta de Galicia 119/2005, do 6 de maio, polo que se crea o Instituto de Medicina Legal de Galicia (*Diario Oficial de Galicia* do 18 de maio), establece no seu artigo 22º.1 que teñen a consideración de persoal do Instituto de Medicina Legal de Galicia os médicos forenses dependentes da Comunidade Autónoma de Galicia.

Aprobada a relación de postos de traballo do Instituto de Medicina Legal de Galicia por Resolución do 1 de marzo de 2005, da Dirección Xeral de Relacións coa Administración de Xustiza do Ministerio de Xustiza, procede a convocatoria de concurso específico para aqueles postos de traballo que se teñan que cubrir por este sistema.

Con esta finalidade, e conforme co establecido nos artigos 524º 1, 526º 1.b) e 526º 3 da Lei orgánica 6/1985, do 1 de xullo, do poder xudicial, segundo a redacción da Lei orgánica 19/2003, do 23 de decembro, artigos 40º 2.b), 41º, 49º, 50º, 51º, 52º, 53º e 54º do Regulamento de ingreso, provisión de postos de traballo e promoción profesional do persoal funcionario ao servizo da Administración de xustiza, aprobado polo Real decreto 1451/2005, do 7 de decembro, e no exercicio das competencias previstas no artigo 19º do Decreto 303/2009, do 21